

# Fiesta Menyauk Sotong Langkawi 2004

401 - 20 NOV 2004

ALOR STAR 19 Nov. — Fiesta Menyauk Sotong Langkawi 2004 atau Langkawi Squid Challenge 2004 akan diadakan buat julung-julung kalinya di pulau peranginan itu, pada 3 Disember ini.

Hadiah wang tunai antara RM200 hingga RM1,500 dan hamper menanti para pemenang acara tersebut yang dianjurkan oleh

Majlis Tindakan Pelancongan Langkawi (MTPL) dengan kerjasama Jabatan Perikanan Langkawi dan Persatuan Nelayan Langkawi.

Menurut Pengurus Promosi dan Pemasaran MTPL, Suziana W. Othman, aktiviti menyauk sotong di Langkawi biasanya dijalankan oleh para nelayan atau mereka yang gemar memancing.

Bagaimanapun katanya, baru-baru ini bekas Perdana Menteri, Tun Dr. Mahathir Mohamad yang ketika itu sedang melawat Langkawi telah mencadangkan supaya aktiviti itu dijadikan sebagai salah satu acara tarikan pelancong.

“Berikutan itu, MTPL dengan kerjasama Jabatan Perikanan akan menganjurkan Fiesta

Menyauk Sotong Langkawi 2004 pada 3 Disember ini,” katanya dalam satu kenyataan di sini hari ini.

Menurutnya, acara itu akan berlangsung di tiga zon iaitu Pantai Kok, Teluk Burau dan Belikit bermula pukul 6 petang hingga 12 tengah malam.